



Michael magna corporis & animi fortitudine
 erat præditus. Itaq; Cæsarum castra secutus,
 magnum sibi in militia nomen comparauit. Postea
 uerò in patriam reuersus lanij artificium exercuit,
 atq; honestè in Critznach oppido uitam transegit.
 Pertinebat locus ille ad ditionem Moguntinēsem.
 Accidit autem cum Vuernherus comes à Falcken
 stein Moguntinensis præsul esset, ut Iohannes co-
 mes à Spanheim ipsum bello peteret, atq; illius dio
 cœsim inuaderet. Itaq; Vuernherus copias contra-
 xit, atque hosti obuiam procedere statuit. Inter su-
 os quoque hunc Michaellem habuit, qui reliquos
 hostium uires formidantes animose ad uirtutes ad-

hortatus est.